

## VEDLEGG 2

### **Forskrift om endringer i forskrift 14.07.2006 nr. 932 til privatskolelova**

Fastsett av Kunnskapsdepartementet 03.07.07 med heimel i lov 4. juli 2003 nr. 84 om private skolar med rett til statstilskot (privatskolelova) § 6–2 tredje ledd.

#### I

I forskrift 14.07.2006 nr. 932 til privatskolelova blir det gjort følgjande endringer:

Nytt kapittel 10A skal lyde:

Kapittel 10A Trykte og digitale læremiddel og digitalt utstyr i vidaregåande opplæring.

§ 10–1a Økonomisk ansvar for utgifter til nødvendige trykte og digitale læremiddel og digitalt utstyr:

Frå 1. august 2007 skal skolen halde elevar på vidaregåande trinn 2 med nødvendige trykte og digitale læremiddel og digitalt utstyr. Frå 1. august 2008 gjeld ansvaret for elevar på vidaregåande trinn 3 og frå 1. august 2009 gjeld ansvaret elevar på vidaregåande trinn 1.

Dersom skolen organiserer opplæringa på ein måte som krev at elevane må ha berbar pc, kan skolen krevje ein årleg eigendel frå eleven for å dekkje delar av kostnaden for pc-en. Eigendelen kan ikkje setjast høgare enn den lågaste stipendsatsen i det årlege ikkje-behovsprøvde læremiddelstipendet. Etter vidaregåande skole skal eleven få behalde pc-en.

Elevar som ikkje fullfører opplæringa skal få tilbod om å kjøpe pc-en. Samla betaling kan ikkje overstige tre gonger den lågaste stipendsatsen i det årlege ikkje-behovsprøvde læremiddelstipendet berekna på avbrotstidspunktet.

#### II

Endringane trer i kraft 1. august 2007.

### **Forskrift om endringer i forskrift 23.06.2006 nr. 724 til opplæringslova**

Fastsett av Kunnskapsdepartementet 03.07.07 med heimel i lov 17. juli 1998 nr. 61 om grunnskolen og den vidaregåande opplæringa (opplæringslova) § 3–1 niande ledd.

#### I

I forskrift 23.06.2006 nr. 724 til opplæringslova blir det gjort følgjande endringer:

Ny § 19–6 skal lyde:

§ 19–6 Økonomisk ansvar for utgifter til nødvendige trykte og digitale læremiddel og digitalt utstyr

Frå 1. august 2007 skal skoleeigar halde elevar på vidaregåande trinn 2 med nødvendige trykte og digitale læremiddel og digitalt utstyr. Frå 1. august 2008 gjeld ansvaret for elevar på vidaregåande trinn 3 og frå 1. august 2009 gjeld ansvaret elevar på vidaregåande trinn 1.

Dersom skoleeigar organiserer opplæringa på ein måte som krev at elevane må ha berbar pc, kan skolen krevje ein årleg eigendel frå eleven for å dekkje delar av kostnaden for pc-en. Eigendelen kan ikkje setjast høgare enn den lågaste stipendsatsen i det årlege ikkje-behovsprøvde læremiddelstipendet. Etter vidaregåande skole skal eleven få behalde pc-en.

Elevar som ikkje fullfører opplæringa skal få tilbod om å kjøpe pc-en. Samla betaling kan ikkje overstige tre gonger den lågaste stipendsatsen i det årlege ikkje-behovsprøvde læremiddelstipendet berekna på avbrotstidspunktet.

## II

Endringane trer i kraft 1. august 2007.